

Mattup ere k'aduwe Zaŋ yi riije

Eŋ urzi k'ono ɗoŋ kun t'oone adda mattup ettiyo

Ette «Mattup ere k'aduwe Zaŋ yi riije». Yi riije a wedusu yi ziipe addí a Isa sundí Gayus.

Zaŋ yi d'igibe ɗuwo an d'ette ki siidiyagi oŋgoŋ, an di kizitey ono Raa a ɗoŋ i ziipe addaŋ a Isa. Wo ɗe kane ɗuwo geŋ an iiney adda geeger ere Gayus yi lekkiyo maŋ, i d'ede wedusu sundí Diyotirep yoŋ ti diine ɗoŋ dokkiyo ki ɗoŋ ogiyso ti suma k'Isa, y'a-tuuge y'anni seeda di yode me. Doŋ oŋgoŋ i ziipe addaŋ a Isa ki geeger gette, ɗuwo geŋ an ti'n ziiɗa di kane. Inkiŋo toŋ kane ɗoŋ i ziiɗa torgagi a ɓoyɗizaŋ geŋ, Diyotirep y'an uɗɗe ti diine ki ɗoŋ ogiyso ti suma k'Isa me. Kono kamo Zaŋ yi di riije mattup a Gayus yoŋ ti diine ɗoŋ i ziiɗa torgagi, kono y'a seeda zakidí a naabo ere y'isiyo, wo ɗoŋ ettiyo kazita k'ono Raa toŋ y'anni seeda bey sire.

Toose ki Zaŋ

¹ Mattup ette i raaniya nuŋ wede dokkiyo, a leema wede ki geyyiso Gayus*, wede ni giyye t'addó pay. ² Leema ki nuŋ kee wede ki geyyiso, ni dehu tuddá t'a koone bee, naabadá pay t'aase ki diine kono nuŋ ni suune biza k'ulbá geŋ yoŋ daayum a Raa.

³ Nuŋ ulbó uŋse ɓaadaŋ kono zemba ɗoŋ i ziipe addaŋ a Isa an iido t'ummey geŋ an oo ruute, kee ki sooru a urzi

* 1:1 1.1 Gayus: Kun wollo adda mattup ki Naabo ɗoŋ zina 19.29; Romeŋ 16.23 wo 1 Korent 1.14.

wede dƕerec, wo dƕerec kee k'isiyo munɗa wede ki diine. ⁴ Aame nuŋ n'ollige inɗizó an sooru a urzi wede dƕerec maŋ, ulbó i d'ɗoniyo t'uŋsuwo ɓaadaŋ.

Kooke a leema

⁵ Leema ki nuŋ kee wede ki geyyiso, ki seedu zakidɗi a urzi seedu zemba, ise torgagi toŋ maŋ. ⁶ Kane dɗoŋ geŋ an'tiyo kenno maŋ, an di rootiyo sundá a urzi geyyisadá a ɗaana kane dɗoŋ ogiyso ti suma k'Isa a enno, a beehiyko ere k'an isiyo gette. Injino maŋ n'a di rooto, dɗoŋ injino geŋ k'anni noogo aa Raa yi dehu, an seeda urzi torguwadaŋ ⁷ kono kane an adɗiya ti boyɗizaŋ miŋ ki naabo a suma k'Isa Almasi. An ki tonɗiyo munɗa ye ti bey dɗoŋ i ki suune Raa soo ɗaŋŋal ye me. ⁸ Injino maŋ kine toŋ in di'n nooge dɗoŋ injino geŋ me, kono kine in t'ise dɗoŋ naabadiŋ kaŋ soo a urzi wede dƕerec.

⁹ Adda mattup ette n'an riije ono boolon a zemba dɗoŋ ogiyso ti suma k'Isa†. Wo dƕe Diyotirep wede yi dehu y'a t'ise ki ɗaana dɗo geŋ yi k'ollige ye onamey me. ¹⁰ Injino maŋ nuŋ onniyo ere n'iida maŋ, munɗa wede ulsu geŋ n'a ti y' rootey a ɗaana duwo. Ono dɗoŋ ulpi y'orbe, lohito k'ono a eedó geŋno toŋ i k'iide ye, zemba dɗoŋ ettiyo ti dokki yi ki'n seedu ye, wo dɗoŋ ede i ni seeda toŋ yi ki dehu ye kane dɗoŋ i dehu seedu torgagi geŋ yi-ti'n lomme ti diine kane dɗoŋ ogiyso ti suma k'Isa me. ¹¹ Leema ki nuŋ kee wede ki geyyiso, ki daane ye ita dɗoŋ k'isiyo k'oldfiko me, wo kee ki wollo munɗa wede beehiye, kono wede isiyo beehiye geŋ yoŋ ki Raa, wo wede y'isiyo ulsu geŋ yi ki suune Raa ye. ¹² Wo yo Demetirus geŋ dɗoŋ pay an rootiyo taayadí beehiye. Sooruzí ere dƕerec gettiyo toŋ ti rootiyo

† 1:9 1.9 Zemba dɗoŋ ogiyso ti suma k'Isa: I-kaza dɗoŋ ogiyso ti suma k'Isa a ume soo wede Gayus yi d'ettiyo, wo soŋ Diyotirep yoŋ wede teesiyo k'eego duwo.

ti yode. Kaye toŋ ay rootiyo wo kun suune onamey geŋ d̄erec.

Ono d̄oŋ ki d̄aŋgu

¹³ Ono d̄oŋ ni dehu n'a di roote baadaŋ miŋ ni ki raaje ye. ¹⁴ Wo n'elkiyo saŋ maŋ n'etta n'a ki ti wollo, in di rootey bize ti bize. ¹⁵ Inkiŋo maŋ toose ti koona ti kee, laŋziyagá an a-t'ize toose, wo kee toŋ a laŋziyagey k'an t'iso toose soo soo p̄ây.

Mattup ki Taasuwa ere Aware

Mukulu: Mattup ki Taasuwa ere Aware (New Testament)

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 14 Jun 2022 from source files dated 13 Jun 2022

523c1c0a-f8ac-5d2f-aebe-7063b0de6b23